

UGOVOR
o pružanju štamparskih usluga za potrebe
Pravnog fakulteta Univerziteta u Sarajevu

Zaključen dana 23.12.2020. godine, između:

1. Pravnog fakulteta Univerziteta u Sarajevu, Obala Kulina bana 7, koga zastupa Dekanesa, prof. dr. Hajrija Sijerčić-Čolić (u daljem tekstu: ugovorni organ)

i

2. „Štamparija Fojnica” d.d. Fojnica, ulica Prokoški put b.b., Fojnica, koga zastupa Direktor, Mirsad Mujčić (u daljem tekstu: ponuđač), kako slijedi:

Član 1.

Predmet ovog Ugovora su štamparske usluge za potrebe Pravnog fakulteta Univerziteta u Sarajevu, a prema usvojenoj ponudi ponuđača broj: 356/20-8 od 20.11.2020. godine, sačinjena prema Obrascu za cijenu ponude sa navedenim jediničnim cijenama istih i izvještaj o toku i završetku E-aukcije broj: 605-7-1-19/20 od 04.12.2020. godine.

Ukupna cijena pružanja štamparskih usluga za potrebe Pravnog fakulteta Univerziteta u Sarajevu iznosi 4.539,80 KM bez PDV-a (slovima: četirihiljadepetstotinatridesetdevet KM i 80/100).

Prema planu javnih nabavki za 2020. godinu, predviđeno je 12.800,00 KM (slovima: dvanaesthiljadaosamstotina KM), koje će se trošiti u skladu sa Obrascem za cijenu ponude.

Član 2.

Ugovorni organ naručuje predmetne usluge, a Ponuđač prihvata da dostavi predmetne robe na osnovu provedenog konkurentskog zahtjeva i Odluke Ugovornog organa o izboru najpovoljnijeg ponuđača.

Član 3.

Ugovorni organ i Ponuđač saglasni su da Ugovor realiziraju putem konkurentskog zahtjeva, a prema definiranim uvjetima:

- Ugovorni organ prema zahtjevima u Obavještenju i Tenderskoj dokumentaciji;
- Ponuđač, prema dostavljenoj ponudi i dokumentaciji sa preciznim navodima u prijavi na konkurentski zahtjev.

Član 4.

Ugovorni organ nema obavezu da Ugovor realizira u cijelosti, niti snosi bilo kakve troškove ili odgovornost u slučaju da se isti ne realizira.

U slučaju neispunjavanja ugovorenih obaveza Ponuđača, Ugovorni organ zadržava pravo djelimičnog ili potpunog raskida Ugovora.

Član 5.

Ponuđač se obavezuje da neće doći do promjene cijena iskazanih u Obrascu za cijenu Ponude tokom ugovorenog perioda, izuzev u slučaju promjene zakonskih propisa koji se odnose na plaćanje državnih dadžbina.

Član 6.

Ponuđač se obavezuje da usluge fakturiše u ugovorenom roku, na osnovu otpremnih dokumenata (otpremnica i sl.) potvrđenih od strane Ugovornog organa da je usluga izvršena.

Ponuđač se obavezuje na nepromjenjivost ponuđenih cijena tokom cijelog ugovorenog perioda.

Član 7.

Ponuđač se obavezuje da će usluge izvršiti u skladu sa zahtjevima Ugovornog organa i da će odmah postupiti po eventualnim primjedbama Ugovornog organa, u pogledu nedostataka na ime kvaliteta izvršene nabavke.

Ugovorni organ je obavezan dostaviti pismeno obavještenje o svakom navedenom propustu Ponuđaču po Ugovoru.

Ugovorni organ će utvrditi razuman rok za ispravku propusta Ponuđača u smislu izvršene nabavke.

U slučaju eventualnih primjedbi Ugovornog organa na kvalitetu i količinu isporučene robe, Ugovorni organ može Ugovor djelimično ili potpuno raskinuti i prije njegovog isteka, uz prethodno izmirenje svih obaveza utvrđenih po osnovu istog.

Član 8.

Odredbe ovog Ugovora ne mogu se mijenjati nakon njegovog zaključenja.

Član 9.

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom, nadležan je sud u Sarajevu.

Član 10.

Svaka od ugovornih strana može otkazati ovaj Ugovor, pismenim putem, uz otkazni rok od 15 (petnaest) dana iz razloga propisanih Zakonom o obligacionim odnosima.

Član 11.

Na ostala prava i obaveze ugovornih strana, koje nisu regulirane ovim Ugovorom, primjenjuju se odredbe Zakona o obligacionim odnosima.

Član 12.

Ovaj Ugovor zaključuje se na određeno vrijeme u trajanju od godinu dana od dana zaključenja ugovora. Ugovor prestaje važiti nakon odabira dobavljača za naredni vremenski period ili ne postupanja dobavljača po eventualnim primjedbama ugovornog organa u pogledu nedostataka vezanih za kvalitet nabavke.

Član 13.

Ovaj Ugovor sačinjen je u 4 (četiri) istovjetna primjerka, od kojih svaka ugovorna strana zadržava po 2 (dva) primjerka.

UGOVORNI ORGAN:

Univerzitet u Sarajevu - Pravni fakultet
DEKANESA

Prof.dr. Hajrija Sijerčić-Čolić



PRAVNI FAKULTET
UNIVERZITETA SARAJEVO

Dr. *01-2144/20*
26.12.2020

PONUĐAČ:

„ŠTAMPARIJA FOJNICA“ d.d.



Direktor, Mirsad Mujčić

br. 95/20-u

26.12.2020 god